

# Dan planete Zemlje

21 April 2013

Dan planete Zemlje službeno se obilježava od 1992. godine kada je tokom konferencije UN-a o okolišnim i razvoju u Rio de Janeiru, a na kojoj je učestvovao veliki broj predstavnika vlada i nevladinih organizacija, usklađen dalekosežni program za promociju održivog razvoja. Međutim, postavlja se pitanje da li je samo ovaj datum dovoljan da se sačuva naša planeta? Naravno da nije!

Čovjek konstantno zbog svojih potreba koje su iz dana u dan sve veće i veće nanosi nesagledive i nepopravljive štete po okoliš. Čovjek iz prirode uzima sve ono što mu je potrebno, a u prirodu najčešće vraća samo različita zagađenja i devastacije prostora. Jako puno stvari čovjek dobiva od prirode, od planete Zemlje, dok Zemlja i priroda ne dobivaju ništa lijepoga zauzvrat. Mnogo je stvari koje može svatko od nas učiniti za dobrobit planete Zemlje, i to ne samo 22. aprila, nego i svaki drugi dan u godini. Svaki pojedinac snosi odgovornost. Svaki pojedinac može napraviti promjenu, smanjiti potrošnju energije u domaćinstvu, odvajati i propisno odlagati otpad, ne bacati smeće u rijeke, uticati na državne i lokalne vlasti da usvoje i primjenjuju zakone koji se tiču zaštite prirode...

Povodom 22. aprila, međunarodnog Dana planete Zemlje, udruženje Zeleni Neretva Konjic u saradnji sa Srednjom školom Konjic, a u sklopu Ekološko-edukativnih aktivnosti koje udruženje provodi, organizira prigodnu video projekciju u amfiteatru Srednje škole sa početkom u 13:30 sati. Sadržaj projekcije objavljuje se na koji način se moderni čovjek odnosi prema našem jedinom domu, planeti Zemlji. Cilj ove video projekcije, kao i svih ekološko-edukativnih aktivnosti koje udruženje provodi jeste podizanje ekološke svijesti kod mladih ljudi na jedan veći nivo, jer upravo od tih generacija se očekuje da sutra doprinesu zaštiti i očuvanju prirodne i životne sredine.

Bogatstvo jedne zemlje je njena klima, voda, tlo, flora i fauna, minerali, rijeke, jezera, okeani, pejzaži, staništa biljnog i životinjskog svijeta, biološka raznolikost ... To je sve što jedna zemlja ima. To je ekonomija jedne zemlje. To je mjesto odakle dolaze sve privredne aktivnosti i poslovi. Ovi biološki sistemi su održivo dobro svijeta u kojem živimo, zato čuvajmo prirodu, čuvajmo nas same!